



رشا حسن بابكر - مصر

خسارة الورد
لما يدبل قبل الأوان
بيرسم ضحكة كدابة
من بين الشقايف بتبان.
وعمره اتسرق إنسان وحيد
لا صوت لا صورة لا نبض
جوة قلبه حزن من زمان
بيشوف صور لناس بالألوان
وصورته جوة برواز فاضي
منقوش على الحيطان
لا قادر يفرح ولا الفرح
عارف له عنوان
والناس شايفينه
شاعر وفنان
وهو لا شاعر غير بمشاعر
الأسى والأحزان
تمر الأيام عليه كالطيف
إحساسه حر في عز الصيف
ملهوف على ضلة ونسمة هوا
من شجر مغروس
في أرض خضراء

ملبانة ورود وخضرة
نفسه يحس مرة بأمان
مع انه عارف
إنها مجرد أحلام
وأوهام إنسان بهتان
جوة برواز في صورة
فاضية منقوشة
على حيطان الأمل
لو ظهر مرة وبان
يغير لون الحياة
ويرجع يملاه الفرح كقوس قزح
كضحكة طفل ملبانة حنان
مستني الأمل لأنه لسه جواه إنسان